

16 JUL 1996

DR MAHATHIR DAN AKAYEV MENGHADIRI KONSERT BERSAMA M'SIA-KYRGYZ

BISHKEK, 16 Julai (Bernama) -- Perdana Menteri Datuk Seri Dr Mahathir Mahathir Mohamad dan presiden Republik Kyrgyz, Askar Akayev malam ini menghadiri persembahan bersama oleh kumpulan pertunjukkan kebudayaan 28 anggota dari Malaysia dan Kyrgyz di dewan konsert negara di sini.

Datin Seri Dr Siti Hasmah Ali dan isteri Akayev turut hadir bersama dengan delegasi rasmi Perdana Menteri.

Sebelum itu, semasa menerima anugerah profesor kehormat dari Universiti Kyrgyz, Dr Mahathir dalam ucapannya berkata, terdapat skop bagi universiti itu untuk bekerjasama dengan universiti-universiti di Malaysia dan mewujudkan hubungan demi kepentingan bersama.

" Saya secara peribadi berharap hubungan ini akan membawa hasil kelak," dan dengan kemudahan yang ada hari ini terdapat peluang yang luas bagi universiti-universiti di republik itu untuk berhubung dengan institusi pengajian tinggi negara-negara lain.

Dr Mahathir berkata, Universiti Kyrgyz yang ditubuhkan lebih empat dekad seperti juga universiti-universiti lain di negara-negara membangun mesti sedar akan keperluan mengeluarkan profesional-profesional, pendidik dan teknokrat yang baik demi keperluan ekonomi yang membangun. -- BERNAMA

RN PR